



UNIVERSITÄTS-  
BIBLIOTHEK  
PADERBORN

# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

XI. Schuldverschreibung des Markgrafen Friedrich für Werner und Albrecht von Holzendorf, vom 12. April 1421.

---

---

**Nutzungsbedingungen**

[urn:nbn:de:hbz:466:1-54734](https://nbn-resolving.org/urn:nbn:de:hbz:466:1-54734)

XI. Schuldverschreibung des Markgrafen Friedrich für Werner und Albrecht von Holzendorf,  
vom 12. April 1421.

Vor alle die Jene, dar desse brieff vor kommet, Bekenne wy frederich, Marggraue  
czu Brandenburg etc., dat wy schuldig sint, rechter witliker schult, achte hundert schog güter  
bemischer kroschen werner vnde her Albrechte, gebrudern, geheiten von holczendorp vnde  
eren rechten erben von der schulde wegen, dy werner von holczendorp thu vns gehad hefft.  
Dy vorbenumende achte hundert schog kroschen schole wy vnde willen em wol thu dancke beta-  
len thu. Wynnachten, dy nu negest kommet, met reiden vnuorwaren kroschen thu einem male, Edder  
wy Burgen willen dat so betalen, Alse wy hie na screuen stan, vnde dy bereyding schol schehen  
thu dem Berlin edder thu der Nienstad, war dy vorbenumende holczendorf edder ere eruen  
dy bereyding liwest hebben willen, Sunder Jengerley hulperede, dat den vorbenumenden hol-  
czendorf edder eren eruen an der bereyding schaden machte. Vnde wert, dat wy dessen vor-  
benumende summen geldes, als vorseuen stet, nicht bereiden up den vorseuen dach vnde vor-  
screuen steden vnd dy vorbenumende holczendorp edder ere eruen dar jenigen schaden vme  
nemen edder deden thu Christen, edder thu Joden met kisten panden, dat bewislik were, allen den  
schaden wille wy vorbenumenden Marggraue met unsen rechten eruen edder wy nascreuen borgen,  
em gancz benemen vnde entrahten, glik deme houetstule, sunder Jenigerley hulperede, dat den  
vorbenumenden holczendorpen edder eren eruen schaden machte. Vnde dat vorseuen gelt  
schal ein feilich, geleit, vnbekummert gelt wesen voralweme vnd vor geistlick vnd werltlich gerichte,  
wulange dat dat den vorbenumenden holczendorpen vnd eren eruen not is vnde wy dessen  
briff hefft met der vorbenumenden Holzendorpen vnd erer eruen wille, den wille wy vorse-  
uen Marggraue fridrichen met vnser eruen vnde wy nascreuen Borgen vullenkomelich holden  
dessen brieff, Alse efft sy by namen hir In screuen stunden, vnde werner von holczendorp  
vnde sine rechten eruen schol desse briff nicht hindern an der vorseuen schulde so lange, wente  
em desse briff gancz vnde al gehalten is. Alle desse vorseuen stücke vnd ein Juweligk Artickel  
by sik loue wy vorbenanten marggraue frederich met vnser rechten eruen rechte sakweldige  
vnde met vnser truwen medelouern als hassen vnd achim von Bredow, Czacharias hafen,  
Riddere, hanfen von vchtehagen wonhaffig thu bizdal, hanfen vom Berge wonhaffig  
thu Czedenig, lodwich sparen wonhaffig thu lichterfelde, willeken von Arnym won-  
hafflich thu . . . . ow vnde Merten Calenberge wonhaffig thu paruenitz. Alle desse vor-  
screuen stücke vnd Artikel loue wy vorseuen borgen thu holdende sunder Jenigerley hulperede  
den vorseuenen holczendorpen vnde eren rechten eruen met einer rechten sampten hand  
vnde die sambde hand nicht vorder thu sukende, wen thu hus vnd thu houe met einen boden vnde  
met einen briue, vnde wenn sy dy sammede hand also sucht hebben, so schal sy vorvolget sin, efft  
sy dy met allem rechten vervolget hedden. Dat wy alle desse vorseuen stücke vnd artickel stede  
vnd vasse holden willen, Sunder Jenigerley hulperede, So hebbe wy vorseuen Marggraff fri-  
drich met vnser truwen medelouern, als hir vorseuen stan, met Witschop vnde met willen alle  
vnse Ingefigel etc. Datum sabatho ante Jubilate Anno etc. XXI<sup>mo</sup>.

Nach dem Churm. Lehnscopialbuche XV, 146.